



Ն. Ս. Օ. Տ. Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ
ՕՐՀՆՈՒԹԵԱՆ ԽՈՍՔԸ ՄԵԾԻ ՏԱՆՆ ԿԻԼԻԿԻՈ ԿԱԹՈՂԻԿՈՍՈՒԹՅԱՆ
ԱՆԹԻԼԵԱՍԻ ՄԱՅՐԱՎԱՆՔՈՒՄ ՀՐԱՎԻՐՎԱԾ ՀԱՄԱՀԱՅԿԱԿԱՆ
ՀԱՄԱԳՈՒՄԱՐԻՆ՝ ՆՎԻՐՎԱԾ ՀԱՅԱՍՏԱՆԻ ԱՌԱՋԻՆ ՀԱՆՐԱՊԵՏՈՒԹՅԱՆ
ՀՈԶԱԿԱՆ 100-ՐԴ ՏԱՐԵՂԱՐՁԻՆ

(Անթրիխասի մայրավանք, 21 մարտի 2018)

Սիրեցյալ եղբայր ի Քրիստոս, Արամ Ա. Մեծի Տանն Կիլիկիո Կաթո-
ղիկոս,

Մեծարգո՝ նախագահ Արցախի Հանրապետության,

Համագումարի Հարգարժա՛ն մասնակիցներ,

Մայր Աթոռ Սուրբ Էջմիածնից սիրով ողջունում ենք ամենքիդ Մայիս-
յան հերոսամարտերի և Հայաստանի Հանրապետության 100-րդ տարե-
դարձին նվիրված համաժողովի գումարման առիթով:

Առանձնակի գոհունակությամբ ենք անդրադառնում, որ մեր հոգևոր
եղբոր՝ Արամ Ա. Մեծի Տանն Կիլիկիո Կաթողիկոսի նախանձախնդրու-
թյամբ այսօր մեկտեղվել եք Անթրիխասի մայրավանքում՝ քննարկելու և
արժևորելու հայրենի պետականության վերակերտման պատմական հի-
շատակները: Մայր հայրենիքում և սփյուռքում այս նշանակալի իրա-
դարձության 100-ամյակին նվիրված բոլոր տոնախմբությունները զալիս
են մեզ հիշեցնելու, որ հակառակ դժվարին պատմական անցյալի՝ մեր
ժողովուրդը երբեք չի դադարել պայքարել ազատության համար, որը
մարդկանց տրված աստվածային շնորհ է:

100-ամյակ առաջ մեր անկախ պետականությունը վերահաստատվեց
այնպիսի դժվարին մի ժամանակահատվածում, երբ աշխարհը փոթոր-
կած Առաջին աշխարհամարտի պայմաններում Օսմանյան Թուրքիայում
իրականացվում էր հայոց ցեղասպանությունը, իսկ Արևելյան Հայաս-

տան ներխուժած թուրքական զորքերը սպառնում էին մեր ժողովրդի գոյությունը: Օրհասական պահին ոտքի կանգնեց ժողովուրդը. զինվորական, գյուղացի, հոգևորական մահճն անտեսելով՝ մարտի դաշտ էին գնում անդադար հնչող զանգերի ներքո եկեղեցիների, և իրենց հավատավոր հոգիներում հայրենիքը պաշտպանելու կոչը Գևորգ Ե. Սուրենյանց Կաթողիկոսի: Մայիսյան հերոսամարտերը վկայությունը եղան մեր ժողովրդի քաջարի ոգու և միասնության, որ մի կողմ դնելով կոլսակցական ու քաղաքական տարաձայնությունները՝ բռնեցվեց հանուն նոր ծնվելիք Հայաստանի անկախ Հանրապետության: Ազգային պետականությունը, իբրև մեր ժողովրդի նվիրական ձգտումների իրագործում, օրհնվեց Մայր Աթոռ Սուրբ Էջմիածնում Հանրապետության դրոշի և բանակի օրհնությամբ, որն աղոթալի խոսքով այսպես է բնորոշել Գևորգ Ե. Հայրապետը. «Ի սրտե փափագող իմ սիրեցյալ ազգիս երջանկության և իմ պանծալի հայրենիքի և պետության բարգավաճման և հարատևության համար... Հայոց Մայր Աթոռի հնադարյան Ս. Էջմիածնի տաճարում անձամբ մատուցեցի Ս. Պատարագ, օրհնեցի և սրբազործեցի Անկախ, Միացյալ և Մեծ Հայաստանի տոնը...»:

Պետականության վերականգնումը դարձավ մղիչ ու ոգևորիչ ուժ, վստահություն ներշնչեց մեր ժողովրդին իր գալիքի հանդեպ: Այն եղավ նաև վկայություն մեր ժողովրդի նվիրական ու վեհ ձգտումների՝ կառուցելու ժողովրդավարական, իրավական ու ընկերային պետություն, ազատ ու արդար հասարակական կյանք: Այս ավանդները, հայրենիքի հանդեպ սերը առաջնորդեցին մեր ժողովրդին՝ 1991 թվականին հռչակելու ազգային պետականության անկախությունը, սատարելու արցախահայության ազատ ապրելու իրավունքի իրացմանը, պաշտպանելու մեր հայրենիքի սահմանները թշնամյաց ոտնձգություններից:

Մայիսյան հերոսամարտերի և Հայաստանի Առաջին Հանրապետության հռչակման հոբելյաններն այսօր ոգեշնչման առիթ ու հրավեր են աշխարհասփյուռ մեր ժողովրդին՝ միասնական ջանքեր բերելու հայրենի մեր պետականության զորացման, Արցախյան խնդրի խաղաղ ու արդարացի կարգավորման, մեր Արդար Դատի պաշտպանության նվիրական գործին: Ինչպես անցյալում, այնպես էլ այսօր և վաղը՝ բազմաթիվ խնդիրների լուծումը առավել դյուրին պիտի լինի մեր ժողովրդի հնարավորությունների մեկտեղման շնորհիվ: Մեր միասնության առանցքը հայրենի մեր երկիրն ու Առաքելական մեր Սուրբ Եկեղեցին են, որոնց շուրջ համախմբված՝ մեր զավակների համար պիտի կառուցենք ապահով, բարօր ու երջանիկ եր-

կիր, պիտի զորացնենք սփյուռքի համայնքները, հետամուտ լինենք ազգային մեր իղձերի իրականացմանը:

Ազդեցում ենք առ Աստված, որ Երկնավոր Տերը խաղաղության մեջ պահի մեր երկիրը և անասան՝ հայրենի մեր պետականությունը, հավատքի մեջ հաստատուն և իր տեսիլքներին հավատարիմ պահպանի մեր ժողովրդին՝ ի Հայաստան, յԱրցախ և ի Սփյուռս:

Շնորհ, սէր և խաղաղութիւն Տեառն մերոյ Յիսուսի Քրիստոսի եղիցին ընդ ձեզ և ընդ ամենեւեան. ամէն:

